

Transgender Dari Perspektif Islam.

1. Semua manusia sama ada lelaki atau perempuan setaraf di sisi Tuhan. Selain daripada identiti jantina tersebut, semua agama mengakui terdapat manusia yang mengalami kekeliruan identiti jantina, yang turut memberi kesan kepada orientasi seksualnya, sebagai suatu ujian Tuhan. Dalam Islam, ia dikenali sebagai khunsa yang terbahagi kepada dua; khunsa wadhiih dan khunsa mushkil.
2. Khunsa wadhiih ialah yang nyata memiliki tanda-tanda kekelakian atau keperempuan. Identiti jantina mereka mudah dikenal pasti berdasarkan salah satu organ seks yang lebih dominan dan berfungsi. Khunsa mushkil pula ialah mereka yang tidak nyata memiliki tanda-tanda kekelakian atau keperempuan. Identiti jantina mereka mengelirukan dan sukar dikenal pasti. Mushkil (kekeliruan) hilang apabila identiti jantina dapat ditentukan.
3. Ini bererti identiti jantina seseorang yang menentukan orientasi seksualnya dan bukan sebaliknya. Syariah memberi pengecualian kepada golongan khunsa untuk menentukan identiti jantina melalui pembedahan dengan syarat disokong oleh pakar perubatan. Memandangkan transgender merangkumi golongan transvestit, interseks, lesbian, gay, biseksual dan sebagainya, terdapat transgender yang diterima dan ditolak sebagai kes khunsa menurut Syariah.
4. Perkembangan sains membantu memperincikan beberapa isu kekeliruan identiti jantina dan orientasi seksual membabitkan transgender yang memungkinan kategori khunsa diperluaskan. Antaranya:
 - a) XY Female: *XX pure gonadal dysgenesis (swyer syndrome), Complete androgen insensitivity syndrome (testicular feminization), XY female with extragonadal defects, Other rare forms of gonadal agenesis and dysgenesis.*
 - b) XX Male: *45, X Male.*
 - c) Hermaphroditism.
 - d) Genetic Counseling: *XY pure gonadal dysgenesis, Complete androgen insensitivity (testicular feminization), XX Male, True Hermaphroditism.*
5. Kecelaruan identiti jantina transgender dan khunsa disebabkan oleh beberapa faktor, khasnya genetik, hormon, persekitaran dan psikologi. Masalah utama kebanyakan lesbian, gay, biseksual dan transgender (LGBT) ialah dosa dan mental, bukannya genetik dan lain-lain. Sekiranya ada masalah genetik sudah tentu akan wujud masalah kesihatan lain seperti kecacatan, risiko barah dan sebagainya.
6. Di Malaysia, atas nasihat Kementerian Kesihatan Malaysia, institusi fatwa bersetuju memasukkan kes *ambiguous genitalia (congenital adrenal hyperplasia)* dan *testicular feminization syndrome (male pseudohermaphroditism)* dalam kategori khunsa mushkil. Transgender yang benar-benar mengalami masalah perubatan telah pun diiktiraf dan pakar perubatan perlu menasihati institusi fatwa untuk mempertimbangkan kes-kes lain.
7. Transgender pula perlu terbuka untuk dibantu dan tidak terpengaruh dengan Gerakan Homoseksual yang mendesak pengiktirafan identiti jantina dan orientasi seksual secara melulu tanpa mengaitkannya dengan biologi kerana kelak ia merugikan diri sendiri. Setelah disokong pakar perubatan dan Syariah, transgender ini juga perlu menjalani kehidupan sebagai lelaki atau perempuan sepenuhnya sesuai dengan fitrah manusia [Al-Hujurat: 49:13]. Semoga hati mereka sentiasa terbuka menerima kasih sayang Tuhan. *Wallahua'lam.*